



Broj: 27-04-04-23484/23
Sarajevo, 25.05.2023. godine

Na osnovu Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“, broj: 15/23), Odluke Vlade Kantona Sarajevo o usvajanju Programa utroška s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2023. godinu („Službene novine Kantona Sarajevo“, broj: 20/23) i Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22), Ministarstvo za nauku, visoko obrazovanje i mlade Kantona Sarajevo objavljuje

JAVNI POZIV
za sufinansiranje udruženja/neprofitnih organizacija i studentskih organizacija za
projekte za mlade iz Budžeta Kantona Sarajevo za 2023. godinu

Ministarstvo za nauku, visoko obrazovanje i mlade Kantona Sarajevo poziva udruženja/neprofitne organizacije i studentske organizacije (u daljem tekstu: udruženja/neprofitne organizacije) da dostave prijedloge projekata za mlade za dodjelu sredstava iz Budžeta Kantona Sarajevo za 2023. godinu.

U Budžetu Kantona Sarajevo za 2023. godinu osigurana su sredstva u iznosu od 114.000,00 KM (slovima: stotinučetnaest hiljadakonvertibilnihmaraka) u svrhu podrške mladima na području Kantona Sarajevo.

Udruženja/neprofitne organizacije mogu aplicirati na jedan od sljedećih programa:

1. PROGRAM - Obrazovanje

Unapređenje obrazovanja mladih uključujući formalno, neformalno i informalno učenje, razvijanje sistema podrške mladim, talentovanim inovatorima i kreativcima te podrška razvoju njihovih znanja i vještina.

2. PROGRAM - Zapošljavanje i preduzetništvo mladih

Uspostavljanje efikasnijeg monitoring programa zapošljavanja i samozapošljavanja mladih, promocija aktivizma i volonterizma među mladima, dokvalifikacija i prekvalifikacija kao vid profesionalnog usmjeravanja mladih.

3. PROGRAM - Slobodno vrijeme, sport i zdravi stilovi života

Sportske i zagovaračke aktivnosti koje promovišu olimpijski duh Sarajeva (olimpijski sportovi i aktivnosti koje će doprinijeti unapređenju izgradnje infrastrukture na području Kantona Sarajevo) i jačanje svijesti mladih o značaju i očuvanju seksualnog i reproduktivnog zdravlja.

4. PROGRAM - Socijalna briga mladih

Usmjerenost na angažovanje i uključivanje u društvene procese mladih iz kategorije marginaliziranih grupa (npr. osobe s invaliditetom, nacionalne manjine, socijalno ugrožene grupe itd.) i prevenciju vršnjačkog nasilja.

5. PROGRAM - Mobilnost mladih

Mobilnost mladih u cilju uvezivanja mladih sa svojim vršnjacima unutar i van svoje zemlje, koji će doprinijeti jačanju njihovog položaja kako bi postali aktivni građani i poticali međukulturalni dijalog.

6. PROGRAM - Mladi, urbano planiranje i zaštita okoliša

Promocija zelene ekonomije, aktivnosti koje potiču mlade za očuvanje i poboljšanje zaštite okoliša i uključivanje mladih u razvoj lokalne zajednice.

7. PROGRAM - Kulturno i umjetničko stvaralaštvo

Aktivno uključenje mladih u učestvovanju i kreiranju kulturno - umjetničkog sadržaja i kreativnog izražavanja (koncerti, pozorišne predstave, izložbe, promocija i afirmacija stvaralaštva mladih).

8. PROGRAM – Psihofizičko zdravlje mladih

Aktivnosti u cilju jačanja i unapređenja psihofizičkog zdravlja mladih (prevencija anksioznosti, stresa, depresije, zlostavljanja i drugih psiholoških poteškoća mladih).

1 - Pravo na dodjelu sredstava imaju:

1. Udruženja/neprofitne organizacije koje ispunjavaju opšte i posebne uslove po ovom javnom pozivu;
2. udruženja/neprofitne organizacije koje su dostavile izvještaj o namjenskom utrošku dodijeljenih sredstava po Javnom pozivu za prethodnu godinu, **prije objave ovog javnog poziva;**
3. studentske organizacije koje su registrovane u Registru studentskih organizacija u skladu sa Zakonom o studentskom organizovanju („Službene novine Kantona Sarajevo“, broj: 11/10) i Pravilnikom o registru studentskih organizacija na području Kantona Sarajevo („Službene novine Kantona Sarajevo“, broj: 47/14) i koje su izvršile ažuriranje podataka u registru, u skladu sa aktom Ministarstva za nauku, visoko obrazovanje i mlade Kantona Sarajevo, broj: 27-04-04-31704/22 od 18.08.2022. godine;
4. omladinske organizacije, tj. organizacije mladih koje u upravljačkoj strukturi imaju mlade osobe;
5. organizacije koje rade s mladima;

6. organizacije koje ne rade s mladima, ali pod uslovom da apliciraju za sredstva za projekat koji će realizovati u saradnji sa omladinskom organizacijom.

2 - Objašnjenja, obrasci i prijava

Objašnjenja, obrasci i dokumenti koji definišu uslove za prijavu, kriterije za ocjenu projekata i obrasce za prijavu aplikanti mogu preuzeti sa internet stranice Ministarstva za nauku, visoko obrazovanje i mlade Kantona Sarajevo www.mon.ks.gov.ba.

3 - Smjernice, kriteriji i dokumenti

Po osnovu ovog javnog poziva mogu biti sufinansirani projekti čija je realizacija započela u 2023. godini, a okončat će se u roku od 6 mjeseci od zaključivanja ugovora između korisnika sredstava i Ministarstva za nauku, visoko obrazovanje i mlade Kantona Sarajevo.

Udruženje/neprofitna organizacija koja aplicira po ovom javnom pozivu može kandidovati isključivo jedan projektni prijedlog iz ovog programa.

4 – Opći uslovi koje podnosioci prijave trebaju ispunjavati i odgovorajući dokazi koje trebaju dostaviti, kako bi mogli konkurisati za dodjelu sredstava, su:

1. Izvod iz odgovarajućeg registra i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva;
2. Dokaz o urednom ispunjavanju obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključili ugovore);
3. Dokaz o urednom ispunjavanju obaveza i doprinosa;
4. Izjava da se protiv podnosioca prijave, odnosno lica ovlaštenog za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
5. Za podnosioca prijava koji su neprofitne organizacije, a na koje je preneseno javno ovlaštenje internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj: 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.

5 – Projekat koji se kandiduje za dodjelu sredstava po ovom javnom pozivu vrednovat će se po osnovu posebnih kriterija:

1. Da zadovoljava posebne uslove u skladu sa Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22), na osnovu kojih se ocjenjuju prijave;



2. da je usmjeren na zadovoljavanje društveno korisnih potreba mladih životne dobi od 15 do 30 godina u skladu sa Zakonom o mladima Federacije Bosne i Hercegovine („Službene novine Federacije BiH“, broj: 36/10);
3. da je usmjeren na zadovoljavanje potreba mladih sa područja Kantona Sarajevo i da projekat podržava strateške ciljeve definisane u Strategiji prema mladima Kantona Sarajevo za period 2019 - 2023. godine;
4. da su precizno definisani rezultati projekta i njihov direktni i indirektni uticaj na ciljne grupe mladih ljudi, odnosno da su jasno definisani direktni i indirektni korisnici projekta;
5. da je jasno identificirana potreba za realizacijom projekta, odnosno da je jasno objašnjeno koje probleme će projekat fokusirati, odnosno kako će njegovi rezultati uticati na rješavanje potreba i problema mladih Kantona Sarajevo;
6. da je jasno preciziran sadržaj rezultata projekta (oblikovani na način kako je to opisano u okviru definisanja predmeta ovog poziva), kao i vremenski plan aktivnosti koje je neophodno provesti da bi se projekat realizirao, a što uključuje i plan usmjeren na jačanje vidljivosti, kako projekta, tako i rezultata projekta;
7. da postoji ekonomska opravdanost – finansijski plan/budžet projektnog prijedloga.

Podnosilac aplikacije za realizaciju projekta obavezan je osigurati minimalno 20% finansijskih sredstava iz vlastitih ili drugih izvora od ukupnih finansijskih sredstava potrebnih za realizaciju projekta. Odobrena sredstva aplikant može koristiti za administrativne troškove maksimalno 30%, odnosno projektne aktivnosti maksimalno 70%.

6 – Udruženje/neprofitna organizacija koja aplicira na ovaj javni poziv obavezna je dostaviti slijedeću dokumentaciju:

1. Prijavni obrazac – **Obrazac UNO-23/1** (potpisan od strane osobe ovlaštene za zastupanje udruženja/neprofitne organizacije u pravnom prometu i ovjeren pečatom udruženja/neprofitne organizacije ili studentske organizacije);
2. Projektni prijedlog – **Obrazac UNO-23/2** (potpisan od strane osobe ovlaštene za zastupanje udruženja/neprofitne organizacije u pravnom prometu i ovjeren pečatom udruženja/neprofitne organizacije);
3. Pregled budžeta/finansijskog plana projektnog prijedloga – **Obrazac UNO-23/3** (potpisan od strane osobe ovlaštene za zastupanje udruženja/neprofitne organizacije u pravnom prometu i ovjeren pečatom udruženja/neprofitne organizacije);
4. Izjava osobe ovlaštene za zastupanje udruženja/neprofitne organizacije u pravnom prometu potpisana i ovjerena pečatom udruženja/neprofitne organizacije da je podnosilac aplikacije za realizaciju projekta osigurao minimalno 20% finansijskih sredstava iz vlastitih ili drugih izvora sa finansijskim planom projekta koji kandiduje i da je projekat počeo ili počinje u 2023. godini i završava u roku od 6 mjeseci od zaključenja ugovora o dodjeli sredstava;
5. Izjava osobe ovlaštene za zastupanje udruženja/neprofitne organizacije u pravnom prometu potpisana i ovjerena pečatom udruženja/neprofitne organizacije da za projekat koji se kandiduje/dostavlja u 2023. godini nisu već odobrena sredstva od strane drugih organa uprave Kantona Sarajevo ili od organa uprave na bilo kojem nivou vlasti u Bosni i Hercegovini.

7 - Projekti koji se neće sufinansirati:

Na osnovu ovog javnog poziva neće se sufinansirati slijedeće projektne aktivnosti:

- individualne, pojedinačne stipendije za studije;
- individualni treninzi/kursevi.

Udruženja/neprofitne organizacije čiji projekti budu izabrani za sufinansiranje, **prilikom zaključivanja ugovora**, biti će dužni dostaviti slijedeću dokumentaciju:

1. Program rada i finansijski plan udruženja/neprofitne organizacije za 2023. godinu i odluku nadležnog tijela prema osnivačkom aktu o usvajanju Programa rada i finansijskog plana udruženja/neprofitne organizacije za 2023. godinu;
2. Dokaz da je dostavljen izvještaj o utrošku sredstava koja su dodijeljena za projekte po javnim pozivima za prethodnu godinu za pozicije Ministarstva za nauku, visoko obrazovanje i mlade Kantona Sarajevo i od drugih organa uprave Kantona Sarajevo. Ukoliko za projekat nije ostvareno pravo na sufinansiranje od drugih organa uprave Kantona Sarajevo, potrebno je dostaviti pisanu izjavu potpisanu od strane osobe ovlaštene za zastupanje udruženja/neprofitne organizacije u pravnom prometu i ovjerenu pečatom udruženja/neprofitne organizacije;
3. Uvjerenje iz Registra udruženja sa datumom izdavanja koji nije stariji od 3 mjeseca od dana objavljivanja Javnog poziva;
4. Uvjerenje o poreznoj registraciji – ID broj;
5. Uvjerenje o izmirenim poreskim obavezama udruženja/neprofitne organizacije i o izmirenim porezima i doprinosima za zaposlenike, sa datumom izdavanja koji nije stariji od 3 mjeseca od dana objavljivanja Javnog poziva. Udruženje/neprofitna organizacija koja nema zaposlenike, pored dostavljenog Uvjerenja o izmirenim poreskim obavezama udruženja/neprofitne organizacije, dostavlja izjavu potpisanu od strane ovlaštene osobe za zastupanje u pravnom prometu i ovjerenu pečatom udruženja/neprofitne organizacije da nema zaposlenika sa datumom izdavanja koji nije stariji od 3 mjeseca od dana objavljivanja Javnog poziva;
6. Bilans stanja i bilans uspjeha za 2022. godinu ovjereni od strane nadležne poreske uprave za prethodnu godinu. Udruženja/neprofitne organizacije koje su registrovane u 2023. godini nisu dužne dostaviti bilans stanja i uspjeha za 2022. godinu;
7. Izjava o ukupnom broju članova udruženja/neprofitne organizacije i strukturi organizacije potpisana od strane osobe ovlaštene za zastupanje udruženja/neprofitne organizacije u pravnom prometu i ovjeren pečatom udruženja/neprofitne organizacije sa datumom izdavanja koji nije stariji od 3 mjeseca od dana objavljivanja Javnog poziva;
8. Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekta, ne vodi krivični postupak i nije pravosnažno osuđen za prekršaji/ili počinjenje krivičnog djela i/ili privredni prestup;
9. Za podnosioca prijava koje su neprofitne organizacije a na koje je preneseno javno ovlaštenje, internim aktom uspostavljen je model dobrog finansijskog upravljanja i kontrole u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine FBiH“, broj: 38/16), način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse

za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.

NAPOMENA:

Dokumenti se dostavljaju u originalu ili ovjerenoj kopiji. Sve kopije dokumenata moraju biti ovjerene od nadležne općinske službe ili notara, a obrasci i izjave moraju biti potpisane od strane osobe ovlaštene za zastupanje udruženja/neprofitne organizacije u pravnom prometu i ovjerene pečatom udruženja/neprofitne organizacije. Ukoliko izjave/obraci **ne budu ovjereni**, kao ni potpisani i ovjereni pečatom udruženja/neprofitne organizacije kako je traženo ili ukoliko isti ne budu popunjeni shodno traženom, prijava će biti isključena iz daljnje procedure dodjele sredstava.

Prijava na javni poziv obavezno se podnosi u formi popunjenih obrazaca koji su sastavni dio ovog javnog poziva i koji se mogu preuzeti sa internet stranice Ministarstva (www.mon.ks.gov.ba) ili sa protokola Kantona Sarajevo. Prijave koje ne budu podnesene u formi propisanih obrazaca i koje ne budu potpuno i ispravno popunjene, smatrat će se neurednim i takve prijave će biti isključene iz daljnje procedure dodjele sredstava.

Rok za predaju prijava na ovaj javni poziv je 25 dana od dana objave u dnevnom listu i internet stranici Ministarstva za nauku, visoko obrazovanje i mlade Kantona Sarajevo.

Prijava na javni poziv sa naprijed traženom dokumentacijom podnosi se u zatvorenoj koverti sa naznakom „NE OTVARAJ“ na protokol Kantona Sarajevo ili putem pošte na adresu:

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE
Prijava na Javni poziv za sufinansiranje udruženja/neprofitnih organizacija
i studentskih organizacija za projekte za mlade iz
Budžeta Kantona Sarajevo za 2023. godinu
(UZ OBAVEZNU NAZNAKU PROGRAMA)
Ul. Reisa Džemaludina Čauševića br 1
71 000 Sarajevo
Sa naznakom podataka o aplikantu (naziv i adresa)

Neblagovremene, nepotpune i neuredne prijave neće biti razmatrane. Prijava koja ne bude podnesena u zatvorenoj koverti sa naznačenim podacima se neće razmatrati.

Komisija za evaluaciju pristiglih prijava imenuje ministar za nauku, visoko obrazovanje i mlade. Ovlaštenja i zadaci komisije će biti utvrđeni rješenjem o imenovanju.

Komisija će utvrditi preliminarnu rang listu dobitnika sredstava u roku od 60 dana od dana zatvaranja Javnog poziva.



SVE INFORMACIJE I OBAVJEŠTENJA U VEZI SA OVIM JAVNIM POZIVOM, PRELIMINARNA I KONAČNA RANG LISTA ĆE BITI OBJAVLJENE NA ZVANIĆNOJ INTERNET STRANICI MINISTARSTVA ZA NAUKU, VISOKO OBRAZOVANJE I MLADE KANTONA SARAJEVO.

8 - Ocjena prijedloga projekta

Na preliminarnu rang listu može se izjaviti prigovor Ministru za nauku, visoko obrazovanje i mlade Kantona Sarajevo, u roku od 7 dana od dana objavljivanja preliminarnu rang liste, odnosno dostavljanja pismene obavijesti podnosiocu Ćija prijava nije prihvaćena za sufinansiranje.

Prigovor se izjavljuje uz navođenje razloga za nezadovoljstvo aplikanta rezultatima javnog poziva, ali se ne može izjaviti ukoliko dostavljena dokumentacija na javni poziv nije potpuna, nije blagovremena ili je neuredna.

Naćin zakljućivanja ugovora o dodjeli odobrenih sredstava sa korisnikom sredstava, praćenje i evaluacija, propisani su Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22).

Kontakt osoba:

Nina Tirić, stručna saradnica za podršku mladima
033/562-031

